



ЖЕЛТОҚСАН

шығыласты

ҚАЗАҚСТАН
ТӘУЕЛСІЗДІГІНЕ

ЖЫЛ
30

№ 53 (8888)
жұма 31 желтоқсан
2021 ЖЫЛ

Eskeldi_eli@mail.ru

Ескелді аудандық қоғамдық-саяси, әлеуметтік-экономикалық газеті. Газет 1930 жылғы 13 қазаннан шығады.

АЙМАҚ БАСШЫСЫ АУДАНДАҒЫ ӨРЕЛІ ІСТЕРГЕ ОҢ БАҒА БЕРДІ

◆ SAPAR

◆ ALĞAUSYZ ALĞYS

Құрметті жерлестер! Қадірменді аудан тұрғындары!

**ЖУЫРДА
АЙМАҚ БАСШЫСЫ
Қ.БОЗЫМБАЕВ ЕСКЕЛДІ
АУДАНЫНА АТБАСЫН
БҰРДЫ. МҰНДАҒЫ
МАҚСАТ – АУДАННЫҢ
ӘЛЕУМЕТТІК АХУАЛЫН
САРАПТАУ,
АУДАН
АТҚАМІНЕРЛЕРІНІҢ
ЖҰМЫСЫН БАҒАМДАУ
ЖӘНЕ АЛДА
АТҚАРЫЛАТЫН ІЛКІМДІ
ЖОСПАРЛАРДЫ
БАҒАЛАУ.**



Облыс әкімінің ауданға сапары Бақтыбай елді мекенінен басталды. Мұнда қадірлі меймандарға «Дүйсенбинов АҚ» шаруа қожалығының мал бордақылау алаңы көрсетілді. Біле білгенге, Ескелді ауданы тіршілігі ауылшаруашылығына бекіген өлке. Мұндағы жұрт егін мен мал шаруашылығынан нәпақа тауып, сол арқылы ауданның да тұрмысы түзу. Өйткені мұнда үлкен өндіріс, ірі зауыт-фабрика жоқ. Енді қайтпек керек? Тіршілікті тұрмысқа бейімдеу қажет. Ауданда төрт түлік шаруашылығын дамытуда талайға үлгі «Дюсенбинов А.Қ» шаруа қожалығы жуырда ауқымды жобаны қолға алды. Жылына 8 тонна ет өндіруге қауқары бар мал бордақылау алаңын тұрғызбақ. Аталмыш жобаның құны – 50 млн. теңге. Жоспарға сай шаруашылықтың бордақылау алаңында бір мезетте 1000 бас ірі қара, 2000 бас уақ мал күтіп-бапталады. Егер жоба сәтті жүзеге асса, жүзеге асады, сол уақта ауданның 5 тұрғыны жұмыспен

қамтылмақ. Аймақ басшысы келелі іске разылығын білдірді.

Мұнан кейін облыс әкімі екі мәрте еңбек ері атанған Алдабергенов ауылына табан тіреді. Ерен еңбектің үлгісіне айналған ер есімін арқалаған елді мекендегі балабақшаның жайы талайдың шымбайына батып жүрген жайт еді. Күрделі жөндеуге сұранып тұрған балабақшаны қалыпқа келтіру бағытында тиісті сала басшыларына жұмыс істеуді тапсырды. Мұнан соң қадірлі мейман ауылдан шыққан еңбек майталмандарының мүсіндері орналасқан орталық алаң мен Алдабергенов атындағы мұражайды тамашалады. Ынтымағы жарасқан, бірлігі мен берекесі келіскен ауылдағы өрелі жұмыстарға тілеуестік танытты.

Қазіргі уақытта Ескелді ауданында көгілдір отынға қол жеткізу мәселесі аса өзекті. Тіршілік бар тұста мәселе де болады. Аудан аумағында газдандыру жұмыстары қарқынды жүргізілуде. Осы жұмыстарды сараптауға облыс бас-

шысы Шымыр ауылының маңында орналасқан АГТС-ке бас сұғып, халықтың көгілдір отынға қол жеткізу жайын таразылады. Бүгінде Ескелді ауданында 30 мың мекен-жай көгілдір отынның игілігін көруде. Қазір Қарабұлақ және Сырымбет елді мекендеріне газ желісі толық тартылып, тұрғындар табиғи газдың игілігін көріп отырса, алдағы уақытта өзге елді мекендер әлсін-әлсін от жағып, көмір базинасына салынуудан айрылады.

Келесіде аймақ басшысы «Витязь» шаруа қожалығының тауарлы сүт фермасына табан тіреді. Жуырда бұл шаруашылық 200 бас сауын сиырға арналған атаулы ферманың құрылысын толық аяқтады. Жобаға 300 млн. теңге қаржы жұмсалды. Шынтуайтыны керек, аталмыш қаражат шаруа қожалықтың есебінен бөлінді. Келер жылы ферма сауын сиырларды қабылдап, «Витязь» шаруа қожалығы жылына мың тонна сүт өндірімек.

2-бет

Сіздерді келе жатқан жаңа 2022 жылмен құттықтаймын! Дана қазақтың «Өткен жылға өкпе жоқ, келер жылдан үміт көп» деген ұлағатты сөзі бар. 2019 жылдан бері әлем жұртшылығы, сол әлемнің құрамдас бөлігі саналатын еліміз қиын-қыстау кезеңді бастан өткеріп келді. 2021 жыл да аса қолайлы болды деп айта алмаймыз. Дегенмен, адамзат баласында өмір сәулесінің жарқ еткен уағы. Аждаһадай әлемді аранында жібермек болған індетті жеңудегі алғашқы қадам осы жылы жасалды. Адамның бойында бұл дертке қарсы тұратын иммунды қалыптастыратын екпе жасалып, оны әрбір отандасымыз жаппай салу арқылы қалыпты өмірге жақындай түстік.

2021 жыл – тарихи кезең. Бұл жылы рухы асқақ, тұғыры биіктөл мемлекетімізге 30 жыл толды. Біз осыдан 30 жыл бұрын Тәуелсіздік таңы атқан атамекеніміздің азат күнін ерекше тебіреніспен, зор мақтаншпен қарсы алдық. Осы уақыт аралығында Қазақстан – шекарасы, діні мен тілі, мемлекеттік рәміздері мен ұлттық құндылықтары, мәдениеті мен салт-дәстүрі бар тәуелсіз зайырлы елге айналды. Тәуелсіздік туы желбіреген 30 жылда Елбасы ұстаған «алдымен экономика, сонан соң саясат» қағидаты арқасында халқымыздың тұрмыс жағдайы жақсарып, еліміздің экономикасы дамыды. Еліміз Тәуелсіздік жылдары қаншалықты толымды табыстарға қол жеткізсе, оған қасиетті Ескелді елі де өз үлесін қосып келеді. Аудан экономикасы жыл сайын өсіп, ауылшаруашылығы мен өндірісі қарқынды даму үстінде. Тұрғындар көгілдір отынның игілігін көруде. Әлеуметтік нысандар қайта жаңғыртылып, заман талабына сай айшықталуда. Бәрі де халық игілігі үшін, бәрі тұрғындардың қолайлы ортада өмір сүруі үшін жасалуда. Шын мәнінде бұл мемлекетіміздің басты қағидасын жүзеге асырудағы шаруалар.

Қасиет қонған киелі жердің тұрғындары!

Тәуелсіз еліміз төртінші онжылдыққа аяқ басқан жаңа жыл құтты болсын! Баба жұрт тұрмысында жаңадан үміт, жаңашылдық дәмептесе, жамандық күтпейді. Күткен де емес. Осы жылы бірер жылда тыныс-тіршілігін өзгерткен індетті жеңіп, қалыпты өмірге оралуды жазсын. Жаңа мүмкіндіктер мен жаңашылдықтар жылына айналысын. Бастысы, тыныштық пен бірлік орнаған еліміз гүлденіп, елдің ырызы-несібесі молайсын. Жаңа жылдарыңызбен, қадірменді жерлестер!

Құрметпен,
Рустам АЛИ,
Ескелді ауданының әкімі.



АДАМ МЕМЛЕКЕТ ҮШІН ЕМЕС, МЕМЛЕКЕТ АДАМ ҮШІН

Жаһанды жайлаған пандемияға қарамастан еліміз биылғы жылды үлкен жетістіктермен қорытындылап отыр деуге болады. Жалпы, әлем елдері секілді бізде де биыл пандемиядан кейінгі экономикалық өсімді қалпына келтіруге баса мән берілді. Сонымен қатар жылдың негізгі лейтмотиві ел Тәуелсіздігінің 30 жылдығын лайықты атап өту болды. 16 желтоқсан – әрбір отандасымыз үшін қастерлі мереке, айтулы дата. Мемлекет басшысының жұмыс кестесінде де басымдық негізінен осы екі мәселеге орайластырылды.

Соңғы екі жылдағы пандемияның «соққысынан» кейін, әлем енді ғана ес жиып, етек-жеңін жинай бастады. Қазақстан түгіл азын айға білеген алып мемлекеттердің өзі өндірістік, тиісінше, экономикалық дағдарысқа тап болды. Биыл жылдың екінші жартысында ғана көптеген елдер тұралап қалған өндіріс орындарын қайта іске қосып, алыс-беріс пен барыс-келіс қайта жандана бастады.

Бытырғыға қарағанда биыл біздің елде де айтарлықтай ілгерілеу байқалды. Осы жылы Президент Қасым-Жомарт Кемелұлының қатысуымен жалпы 500-ге жуық хаттамалық іс-шара өтті. Оның ішінде шетелдік және өңірлерге жұмыс сапарлары, өткізген түрлі мәжілістер мен отырыстар, халықаралық және республикалық форумдар, шет мемлекеттер мен үкіметтердің басшыларын қабылдаулары, кәсіпорындар мен әлеуметтік нысандарды аралап көру, еңбек ұжымдары өкілдерімен кездесулер және басқа да шаралар бар.

6-7 бет

◆ KÜLTÖBE

ІЛКІМДІ ЖОСПАРЛАР АУДАН КӨСЕГЕСІН КӨГЕРТЕДІ



Жылжабар сәтте ауданның атқамінерлері бас қосып, атқарылған шаруалар мен еңсерілген келелі істерді сарапқа салып, алдағы жоспарлардың жай-жапсарын сарапқа салды. Келелі жиынға аудан әкімі, мәслихат депутаттары, бөлім басшылар қатысты. Күлтөбедегі ауқымды отырыстың шымылдығын түрген аудан басшысы мерекемен құттықтап, жүйелі жұмыстар мен орайлы бастамалар үшін жиынға қатысушыларға алғыс білдірді. Кезекті мәслихат жиынына халық қалаулыларының жетекшісі Қанат Сатанов жетекшілік етіп, күн тәртібіндегі мәселелермен таныстырды. Мінбердегі әуелгі мәселенің тізгінін аудандық экономика және бюджеттік жоспарлау бөлімінің басшысы Серік Түлепбергенов тартып, 2022-2024 жылдарға арналған бюджетін бекіту жайын пысықтады.

2-бет